

Sie alten texturen hat man etwan in solicher mas geschriften / wie wol man sie heft einer andern art macht / das ich dann auch schreyben will. Und wiewol man das alpfabet am. a. an heft zuschreyben / so will ich doch auf vrsach hie zum ersten das. i. für mich nemen zumachen darumb das schier alle pustaben darauff gemacht mögen werden / doch muß man jn etwan zu geben oder nemen.

Erllich das. i. mach auf rechten fierungen / der seß drey aufrecht auf einander / vñ teyl der obersten fierung überste seyten vñ der vndersten vnderste mit zweyen puncten yetliche in drey gleyche felt. Dar nach seß ein gleych mesige fierung über ort / den Diameter aufrecht mit dem eck in den forderten puncten der fierung seyten / so übertrit die ort fierung mit jren ecken / fornien weiter dann hinden. Dar nach zeuch von peden seyten der aufeinander gesetzten fierungen linien vbersich an die verruckt fierung. Darnach thū jn vnden wie oben / allein seß die fierung mit jrem obersten eck in den anderen oder hinderen puncten der vnderen seyten an der fierung / vñ zeuch vede seyten von den aufrechten fierungen herab an die verruckt fierung / also ist das. i. gemacht darob reß mit einer kleiner federen ein kleines halbes mōlein.

Item das. n. mach auf zweyen zügen des pustaben. i. also das jr oberste vnd vnderste eck an einander rüren / so wirt das felt schleimer zwischen den zügen dann ein zug des pustaben preyt ist / aber kein mōlein mach mer darauf / vnd mach die kurzen pustaben all gleych lang durch dz ganz alpfabet.

Item das. m. mach von dreyen zügen wie das. n. von zweyen gemacht worden ist.

Das. r. mach wie das. i. allein seß oben hinden daran ein gleych mesige fierung die mit jren ecken anrüren.

Das. r. mach auch einer solichen meyrung / den fues laß vnden beleyben wie for / aber oben seß zwei verruckt fierung die mit jren ecken an einander rüren mitten auf dem geraden zug / vnd zeuch ped seyten follent vbersich an die fierung.

Das. u. mach dreierley / das erst einfach mach wie das. n. allein an dem hinderen zug laß die verruckt fierung oben ab gen / vnd mach darfur ein ortstrich / also das die zwey eck des zugs das ein hinden als hoch sey als forē / das oberst eck an der fierung des ersten zugs / aber das forder ober eck an dem hinderen zug sey nider als das negst eck an dem forderen zug hinden ist.

Das ander. v. braucht man im anfang der wörter das mach also / den ersten zug mach wie dz. i. allein ruck das vnderst eck vnden der fierung mer hindernisch / also das dz forderst eck der fierung dem aufrechten zug gleych sey. Darnach stell den anderen zug hinden daran / aber schneyd den selben vnden ab mit einem ortstrich der von dem vndersten eck hindernisch gezoge wirt bisz zu der höhe der halbe fierung vnder den dreyen die aufeinander sten.

Darnach mach das zwifach. w. wie das einfach / allein stell noch ein zug des. i. fornien daran.

Das. b. mach wie das einfach ander. v. aber dem forderen zug laß die oberst ortfierung ab gen / vnd seß noch drey ander aufrecht fierung auf die vnderen drey / aber die sibend schneyd oben fornē mit einem Diameter weg.

Item so du dz. b. vmb kerst das oberst zu vnderst so ist es ein. q.

Das. r. mach auf dem. i. henc̄t oben hinden daran ein gleych mesige ort fierung / vñ vnden mach ander forderen ort fierung ein spizen sparren fürsich / vñ in der mitt zeuch ein preyten zwerchstrich durch den aufrechten zug / also das der foren vnd hinden mit einem Diameter abgeschnitten werd / das forder vnder eck las enden des halben aufrechten zugs breyt for dem zug / vnd oben las jn an dem zug an rüren / aber hinden las jn oben hinauß gen in der weyten bisz vnder das vnder eck der oberen hindernish ort fierung / vnd schneyd jn ab mit einem parallel gegen der forderen ortlini.

Das. c. mach auch auf dem. i. aber thū die ober ort fierung hinweg / vñ far mit den seyten linien über sich bisz zu des pustaben höhe / vnd schneyd dz forder eck mit einem Diameter ab. Darnach zeuch oben zwerchs herdan ein preyten zug so weyt hindernisch als der zug preyt ist / vñnd schneyd jn ab mit einem Diameter vnder dem halben vberschus des oberen vbertreten.

Den aufrechten zug zu dem. c. mach gelych wie dz. c. aber von oben herab hindernisch zeuch ein preyten zug auf dem forderen Diameter zu gleychen wincklen einer fierung / vnd eins dritteyls lang / vnd